

— 4 —

V

Penaus viùehé tud er hérieu,
Deustou de ol ou madeu,
Pe ne vehé ket Peizanted
E tastum dehé ou boed ?

VI

Petra e vehé ag en eud sé
Hag a galz aral geté
Pe zehé d'er Peizant dihan
A hadein bep plé é hran ?

VII

N'hun bechet enta de gaout méh
Ag hun michér é nep léh :
Dré zomb e ra en Eutru Doué
Ou biùans d'é vugalé.

VIII

Red é d'omb poéniein hileih guir é
Aveit gouni hun buhé,
Mes ahoel ni e zo digabestr ;
N'hun bes meit Doué aveit mestr.

IX

Mar réda en huez genomb bamdé,
Un dé zei, e guirioné,
Ma vou keméret pep tapen
Eit bleuein hun hurunen.

X


Chomamb enta staget, mem breder,
Bet er marù, doh hun micher,
Téhamb er hérieu miliget,
'Men kollér Fé hag iched.

XI

Ha mar faut d'oh hui gouiet bremen
Più ' des groeit er sonnen men,
Neket mesk en duchentiled
E ma d'oh mont d'er havet ;

XII

Nen det ket d'er hlah eué, m' hou
Mesk en dud vras ha disket :
Groeit é dré ur heh Labourér
Eit rein konfort d'é vredér.



Er Chistr Neùé

AR DON : *Margaritig*

I

Peizanted, er gué zou karget
A avaleu milen
Golhet hou fustigeu, pautred,
Er bléad er goulén

II

Lakeit hou fusteu, hou toneu
De dranpein barh en deur
Ha paket hou pern avaleu
Er hornig ag hou lér

III

A pe zei er gouian kalet,
Karget hou melinieu
Ha troeit get plijadur, pautred,
Malet hou avaleu.

IV

Ha barh er preseu stoubet mat
Paket hou markajen,
Lakeit plouz kerh ar bep trohad
Hou chistr e vou milen.

— 5 —

V

Ha bremen, Bretoned nerhus
Sterdet ar hou preseu ;
Er chistr e vér é frond padus
E garg ol hou krancheu

VI

Petra e dal ' iaret hui d'ein,
Ur banig chistr stanket
A pe vé en dén é tèbrein
Eit torein er séhed ?

VII

Ha pe vér ér parkeu frankus
E labourat en doar,
Eit lakat er galon nerhus
Er chistr e vou hemb par.

VIII

Ean zou évaj er goaleurus
El hani er pinùik ;
Nen des évaj ken ahehus,
Nen des évaj ken huék :

IX

Ean zou goèd er guir Vretoned,
Hemb zou n' hellant biùein.
Chomamb fidél d'hon Chistr, pau-
[tred,
Mes gouiamb en évein !..



MEN DOUS

Aveit kerhet

I

Neket 'n hou ti, tavarnourez
Em es mé choéjet me mestrez ;

II

M'em es hi choéjet tostoh d'ein :
Ur plah koant ha plijout 'h'ra d'ein

III

M' hé har, ha hi ne houia ket :
Chetu er peh 'h'ra poén d'em s'pred

IV

Mechal penaus 'vehè d'ein mé
Dizol dehi me haranté ?

V

M' hé guèl erhoalh ér pardonieu
Ha d'en noz barh er filajeu

VI

Ha pe za d'ein gout hé guélein
Men Doué penaus hum zizolein.

VII

Mes, allas ! p'hé guélan tostot,
Me bleg me fen ha me huannad

VIII

Troieu kuh héol, e ha bamdé
G' hé seud de fetan Guirioné.